

主旨: Give Views

Comments:

單程證應由香港批核

我想問如果移民去美國或者英國，係咪需要當地政府審批，點解單程證來香港住要由人地審批，唔係由返香港政府去做？我眼見身邊拎單程證落泥住既大陸人，好多都係泥到又拎綜緩，又住公屋，而我香港既親戚就排幾年至十年都係繼續排，點解？請問政府有冇數字可以公開拎單程證落泥而拎綜緩既人佔所有單程證人士幾多個百份比？

自由行同單程證都應該減少

成日話香港未迫爆，請問 d 高官假期果陣有冇去過 d 消閒既地方，例如 d 主題公園，大型商場，佢地有冇試過由入場開始玩每一樣野都只係排隊，數以小時計。d 商場多人到冇野好行，去食個飯都唔知要排幾耐隊。d 高官覺得仲有承受力係咪因為只見倒郊野公園未被迫爆？係咪只識 o 係 office 入面睇 d 數字而唔考慮實際情況？

太多自由行，令到 d 大小業主為左只嫌佢地生意，趕走原來既商鋪，全部變晒大型連鎖店，又不停加租，然後令物價再加(特別係領滙，希望政府可以回購領滙)，而家去到邊度都係得返 d 價格高昂既大型連鎖店，政府話咁樣係推動倒經濟，咪只係呢 d 連鎖店受惠囉，政府究竟知唔知有幾多香港既小市民俾 d 業主迫走？請問睇呢 d 意見既人有冇留意 d 商場，或者人多既大街，d 鋪頭來來去去都係果 d，全部商場都一模一樣咁？香港人少人生仔冇勞動力？d 野咁貴，生活咁難，點生？成個香港都變晒遊客區，仲點生活